

## Ճարճակիս

**Մակերես՝ 23.16կմ<sup>2</sup>**

**Բնակչություն՝ 470**

Գյուղ Արագածի տարածաշրջանում, մարզկենտրոնից գտնվում է 48կմ հեռավորության վրա:

Նախկինում ունեցել է Դերեք, Ճարճակես, Ճարճարիս, Ջարջառիս անվանումները: Դերեկ է վերանվանվել 1978 թ-ին: Դերեկ եզդերենից թարգմանաբար նշանակում է՝ աղբյուր՝

Գյուղի շրջակայքում կան 5-րդ դարում կառուցված եկեղեցու ավերակներ:

Գյուղը տեղադրված է Փամբակի լեռնաշղթայի լանջին, Ջարջառիս գետի վերին հոսանքում: Գյուղը

գտնվում է ծովի մակարդակից 2180 մ բարձրության վրա: Կլիման բարեխառն լեռնային է: Ձմեռները

տեխական են, ցուրտ, հաստատուն ձնածածկույթով: Ամառները տաք են, համեմատաբար խոնավ:

Հուլիսյան միջին ջերմաստիճանը տատանվում է 16-18-ի սահմաններում, հունվարյանը՝ -6,-8-ի

սահմաններում: Մթնոլորտային տարեկան տեղումների քանակը 450-600 մմ: Բնական լանդշաֆտները

սեւահողային տափաստաններ են:

1873 թ-ին գյուղն ունեցել է 441, 1959 թ-ին՝ 512, 1970 թ-ին՝ 631, 1979 թ-ին՝ 579 բնակիչ: Համայնքի

բնակչությունը կազմում է 512 մարդ, որից 47%տղամարդիկ են, 53%՝ կանայք: Բնակչության մեջ

մինչաշխատունակները կազմում են 20%, աշխատունակները՝ 70%, հետաշխատունակները՝

10%:Գյուղն ունի 110 տնտեսություն

Ունի դպրոց, գրադարան, կապի հանգույց:

Համայնքի տնտեսության մասնագիտացման ուղղությունը գյուղատնտեսությունն է:

Գյուղատնտեսական հողահանդակների հիմնական մասն օգտագործվում է որպես վարելահողեր,

խոտհարքեր: Զբաղվում են բանջարաբոստանային, հացահատիկային, կերային կուլտուրաների

մշակությամբ: Տնամերձ հողակտորներում կան բազմամյա տնկարկներ: Պահուստային հողերը

զբաղեցնում են համայնքի մակերեսի 75%, որոնց մեջ ամենամեծ բաժինը ունեն արոտավայրերը՝ 466

հա, վարելահողերը զբաղեցնում են 188հա, խոտհարքերը՝ 8 հա: Զբաղվում են խոշոր եւ մանր

եղջերավոր անասնաբուծությամբ:

Արդյունաբերություն չունի:

Համայնքի հիմնախնդիրների մեջ կարելուրվում է ոռոգման ջրի ջրագծերի, գյուղամիջյան

ճանապարհների վերանորոգումը: